

Ogni
can
mena la
coa,
ogni
mona
dise la
soa

Discursi da ostarìa

Carta
canta,
vilan
dorme

Cuotidiano che vien fuora ogni tanto, che scolta, conta e smentisse tuto

DIREZION, REDAZION, AMINISTRAZION, STANPARÌA, VÈNDIA, LUOGO DE NÁSSITA, MAGAZIN: TUTO DA PESSATI

La Compagnia

...pensando ai Amighi

...de CESCO

Ognuno de noantri xe tacà a tante persone: Par primo te si ligà a to 'opà e to mama che i te gà messo al mondo; a to fradei parchè te si cressio insieme; ai noni che te gà cocolà da putin. Co te te cati la morosa (quea seria) che te la maridi e la te mete al mondo dei fioi, allora xe slonga on fià i contati co i primi, anca se i resta sempre grandi.. Ghe xe invece on legame, qua in te la Ostarìa Pessati, che col passare del tempo el xe stà sempre pì stretto: i amighi. No se xe ligà da rason de raza, de contrato de matrimonio o de intaressi, ma se xe ligà parchè se sta ben insieme. Magari semo insieme manco de 'na volta, ma ghe stemo sempre on gran ben. El xe chel stare ben insieme li, cojonandose, zugando, magnando, jutandose e mandandose anca a c..hel paese che el dura da zinquant'ani, da noze de oro. L'è on star ben se te si in du, tri... o trenta, nol cambia. No el cambia gnanca desso che ghemmo scumizià apartire.... Dio Mio, quanto cà ne manchè, Mestro e Walterin, a se ingosemo ogni volta che seriamente a ve ricordemo parchè vorissimo domandarve, dirve, sentirve, farve fare calcosa ...sperando ca la sbagliesi par dopo torve in giro, ma ne manchè tanto parchè stasivino tanto ben insieme. Ghe xe però che quando ca semo in tanti torno ala tola valtri du a si li, in mezzo, come sempre ca ridi, cantè, magnè, discuri co noantri come noantri. A ridemo de queo che ne fasea ridare, de le monade come de le robe serie de la barzeta del papagalo come de Azzurro. A si sempre di grandi amighi. Ti Walterin, te ghe vu el sospeto che el Mestro el sia partio prima par preparare calche scherzeto. Cosa ghemmo da pensare noantri desso che a si voaltri du insieme? Ghe scometemo che ciapè in mezzo anche Chealtro Mestro, queo Grande assè?

*..Allora lo quasi quasi
prendo il treno e vengo
"Vengo da Te"*



Toseto

de Renato Trevisan

*Toseto,
te si distante!
Sbregaria sto folio
par no contarghe
i me pensieri.
Te penso
col gropo in gola;
te vedo,
solo co i oci del cuore;
te parlo,
co la forza del pensiero.
Te speto,
tegnendo stretto
on baso ca go da darte.*

Walter e Mi ...

Quante volte.....

de TOMASO

Chià volta cà jerimo in banco insieme...

Chià volta ca ghemmo batù la 3^a C a balon ...

Chià volta ca ghemmo fondà el "Circolo Iride"

Chià volta ca ghemmo inventà du Giornali el "Quasi Tutto" e "L'Eco dei Giovani"

Chià volta ca ghemmo fato el caro de carnevale...

Chià volta ca ghemmo fato el Cineforum al cinema Roma..

Chià volta ca ghemmo ispirà Germi a fare el film "Amici Miei..".

Chià volta cà ghemmo fondà l'AESSE

Chià volta de Messico "68 e Messico 70

Chià volta de la "bala" de Nardini Riserva

Chià volta che ogni sera te me iutavi a sarare l'Ostarìa dopo essere stà a l'Amore

Chia volta ca ghemmo fato rabiare Pipa col PinPon

Chia volta de la Ferrata cà no ghemmo fato ma a ghemmo fato el filmato, che spasso.

Chia volta ca ghemmo fondà el "Circolo Culturale Artico" e "L'instabile Pessati"

Chià volta ca ghemmo...Chia volta ca... Chia volta.....

Chià porca de la puttana de la miseria.....

Giorgio de Gaspari

.....de Cesco



Ghe ex el dito che l'Ostaria Pessati la ex "na busa" gnonde ghe casca tutto drento. Una delle robe pì curiose che se finie drento l'Ostaria xe sta la Mostra de quadri de Giorgio el Foresto. Chi xelo sto Giorgio e come xeo finito da Pessati? Giorgio de Gaspari, questo xe el so vero nome, el iera queo che nei anni 60 el disegnavo le vignete che vegnea pubblica' in te la prima pagina de "La Domenica del Corriere", el iera amigo e laorava insieme co Dino Buzzati, finché na bea matina pitosto che ndare a lavorare al Corriere della Sera el ex spario da la circolazione 'ndando in giro pal mondo all'avventura. Uno che gà vudo el coraio e la coerenza de vivare sul serio come che'l volea elo, senza mai aver avuo paura o senza esarse mai pentio de la so scelta. El parche' de la so scelta 'non la ga mai spiega' a nessuno. On bel di' el xe riva' a Palestrina dove che'l se vivesto ben e isola' dal resto del so mondo de prima. Tanto par capire l'omo, on bel di' el xe 'nda fora de casa e senza dirghe gnente a nisuni l'e' sta via quatro ani. Li a Plestrina el ga conosio Neno Pitona parche' el 'ndasea torse la fruta e la verdura. Xe sta fadiga anca par Neno diventare so amigo, ma on fia' ala volta ghe xe riuscito. Ghe xe riusio anca comprare di Quadri, roba che no iera facile par nesun, parche' el iera on omo che'l viveva so le soe. Senpre in giro co la bicicletta e pene coluri taca' al colo. El xe sta distante dal mondo de pì de quarant'ani senza nessun rimorso, on'omo col so fascino, col so viso scava' ma contento. Un'omo che ex 'nda via come che'l gà vivesto, col colore de la so solitudine. Noantri del'ostaria Pessati, grazie all'interessamento de la moiere de Neno, la Roseta a ghemmo vudo la possibilità' de vedare arquanti di quadri del Foresto, quadri Bei Bei BeiAssè.



El Mestro

Circolo Qulturale artico

Verdi el xe paron de on mucio de sale Cinematografiche in Italia e credemo che el ne pardonarà se noantri del "Circolo Qulturale El Mestro" a proponemo a la nuova amministrazione comunale de Suisin de intitolare l'ex cinema Verdi a Walter.


Questo xe anche on stimolo parchè sto projeto de sta benedeta sala vegna finalmente realizza. Noantri del Circolo Qulturale el Mestro ghemmo zà deciso che d'ora in poi la sala de l'Ostaria Pessati, la ormai famosa "salapolifunzionale multisala" da onquò la se ciamarà "salapolifunzionale Walter Barin"

Robe da no credarghe

Nonostante el fermo dei laori par el ritrovamento de la Prima Pietra, xe scomizià la costruzione del Nuovo Centro Giovanile per Anziani.

Ironia in Ostaria

Elezion comunali da Pessati



Letara verta

A semo preoccupa' sul serio, xe zà du misi ca ghemmo eletto el nostro sindaco nuovo, ma nol ga gnancora fato gnente. Roby caro, che no te cridi de mondarla, ti è la to squadreta, sappi cà te controlemo col gujelo, parche' l'opposizione in consiglio la xe gnente confrontà co quea che te gavare' qua' da Pessati.